

পরিশিষ্ট-২৮

জুলাই জাতীয় সনদের সমন্বিত খসড়ায় প্রস্তাবিত অঙ্গীকারনামা বিষয়ে রাজনৈতিক দল ও
জোটগুলোর মতামত ও মতামতের সারাংশ

জুলাই জাতীয় সনদ ২০২৫ -এর অঙ্গীকারনামা সম্পর্কে বিভিন্ন রাজনৈতিক দলসমূহের মতামত

১। বাংলাদেশ জাতীয়তাবাদী দল (বিএনপি)

খসড়া সনদের ভাষ্য	অভিमत
অঙ্গীকারনামা ১ম অনুচ্ছেদ	‘সাংবিধানিক কনভেনশন’ কথাটি বিভ্রান্তিকর। ‘১৯৭১ সালে কার্যত সংবিধান ছিল না’ কথাটি সঠিক নয়।
অঙ্গীকারনামা ২য় অনুচ্ছেদ	‘১৯৯০ সালে প্রধান বিচারপতি পদত্যাগ করেছেন’ তথ্যটি সঠিক নয়। ১৯৯০ সালের উদাহরণ বর্তমান প্রেক্ষাপটের সঙ্গে তুলনীয় নয়।
অঙ্গীকারনামা ৩য় অনুচ্ছেদ	‘সাংবিধানিক কনভেনশন বজায় রেখে-এর পরিবর্তে ‘জাতীয় ঐকমত্যের ভিত্তিতে’ লেখা যেতে পারে।
অঙ্গীকারনামা (১)	‘নতুন রাজনৈতিক বন্দোবস্তের দলিল’-এর পরিবর্তে ‘রাজনৈতিক সমঝোতার দলিল’ লেখা যেতে পারে।
অঙ্গীকারনামা (২)	‘জনগণের অভিপ্রায়ের সুস্পষ্ট ও সর্বোচ্চ অভিব্যক্তি’ কথাটি সংবিধানের অনুচ্ছেদ ৭-এর পরিপ্রেক্ষিতে সঙ্গত নয়। ‘বিদ্যমান সংবিধান বা অন্য কোনো আইনে ভিন্নতর কিছু থাকলে সেই ক্ষেত্রে এই সনদের বিধান/প্রস্তাব/সুপারিশ প্রাধান্য পাবে’-কথাটির মাধ্যমে জুলাই জাতীয় সনদকে supra constitutional instrument-হিসেবে মর্যাদা দেওয়া হয়েছে যা আইনী ও সাংবিধানিক দৃষ্টিকোণ থেকে অসঙ্গত ও অগ্রহণযোগ্য। ‘সনদের সকল বিধান, নীতি ও সিদ্ধান্ত সংবিধানে অন্তর্ভুক্তকরণ নিশ্চিত করবো’-তিনটি কারণে এরূপ অঙ্গীকার বিভ্রান্তিকর। এর পরিবর্তে সনদের সকল ‘প্রস্তাব/সুপারিশ’ বলা যেতে পারে।
অঙ্গীকারনামা (৩)	‘আপিল বিভাগ সংবিধানের মাধ্যমে সৃষ্ট একটি আদালত যা এখতিয়ার সংবিধান দ্বারা সুনির্দিষ্ট। প্রস্তাবিত সনদের মাধ্যমে আপিল বিভাগের এখতিয়ার সংশোধনের কোনো সুযোগ নেই।’
অঙ্গীকারনামা (৪)	‘জুলাই জাতীয় সনদের -----বৈধতা, প্রয়োজনীয়তা, কিংবা জারির কর্তৃত্ব সম্পর্কে কোনো আদালতে প্রশ্ন তোলা যাবে না’- এখানে ‘জারির কর্তৃত্ব’ শব্দযুগল বিভ্রান্তিকর। ‘জাতীয় ঐকমত্য কমিশন কোনো সাংবিধানিক সভা বা আইনসভা নয় বিধায় ‘জুলাই জাতীয় সনদ’ জারির কোনো সুযোগ নেই।’
অঙ্গীকারনামা (৫)	‘লিখন ও পুনর্লিখন’ বাদ দিতে হবে।
অঙ্গীকারনামা (৬)	‘----- জনগণের দীর্ঘ ১৬ বছরের নিরবচ্ছিন্ন সংগ্রাম’ লেখা যেতে পারে।
অঙ্গীকারনামা (৭)	‘----- দীর্ঘ ১৬ বছরের ফ্যাসিবাদবিরোধী গণতান্ত্রিক সংগ্রামে গুম, খুন ও নির্যাতনের শিকার হওয়া ব্যক্তিদের ও ২০২৪ সালের’ লেখা যেতে পারে।
অঙ্গীকারনামা (৮)	‘পরবর্তী জাতীয় সংসদ নির্বাচনের আগে’ শব্দগুলো বাদ দিতে হবে।
সার্বিক মত	‘জাতীয় ঐকমত্য কমিশন’-এর প্রজ্ঞাপন অনুযায়ী একটি সুপারিশকারী সংস্থা হিসেবে তার কাজ আলোচনা ও সুপারিশের মধ্যেই সীমাবদ্ধ হওয়া বাঞ্ছনীয়। কোনোরূপ supra constitutional instrument প্রণয়ন/জারি করা এই কমিশনের এখতিয়ারভুক্ত নয়।

২। বাংলাদেশ জামায়াতে ইসলামী

খসড়া সনদের ভাষ্য	অভিमत
অঙ্গীকারনামা (১)	‘নতুন রাজনৈতিক বন্দোবস্তের দলিল’-এর পরিবর্তে ‘রাজনৈতিক ব্যবস্থা’ লেখা যেতে পারে।
অঙ্গীকারনামা (৮)	‘----- অবিলম্বে বাস্তবায়নযোগ্য’-এর পরিবর্তে ‘বর্তমান অন্তর্বর্তীকালীন সরকার এই সনদের সকল বিধান, নীতি, সুপারিশ ও সিদ্ধান্তসমূহ অবিলম্বে কার্যকর করবে’ প্রতিস্থাপন করা যেতে পারে।
	‘রাষ্ট্রপতির ঘোষণাপত্র জারি বা গণভোটের মাধ্যমে জুলাই সনদ ২০২৫-কে আইনি ভিত্তি দেওয়া হবে তা স্পষ্টভাবে উল্লেখ করা। জুলাই জাতীয় সনদ ২০২৫-এর আইনি ভিত্তি দেওয়ার পর এর ভিত্তিতে ‘পিআর’ পদ্ধতিতে ত্রয়োদশ জাতীয় সংসদ (উচ্চকক্ষ ও নিম্নকক্ষ) নির্বাচনের ব্যবস্থা করা।

৩। জাতীয় নাগরিক পার্টি-এনসিপি

খসড়া সনদের ভাষ্য	অভিमत
সনদের শিরোনাম	■ জুলাই জাতীয় সনদ ২০২৫'-এর পরিবর্তে 'জুলাই সনদ ২০২৫' রাখার অভিमत।
অঙ্গীকারনামা ১ম ও ২য় অনুচ্ছেদ	■ দুইটি ঐতিহাসিক ঘটনাকে সামনে এনে সাংবিধানিক কনভেনশনের নামে পরবর্তী সংসদের কাছে জুলাই সনদ ২০২৫ এর বাস্তবায়ন ঠেলে দেওয়া হচ্ছে বলে আমাদের কাছে প্রতীয়মান হচ্ছে যা আমাদের দাবি অর্থাৎ বর্তমান অন্তর্বর্তীকালীন সরকারকে জুলাই সনদ নির্বাচনের পূর্বে বাস্তবায়ন করা এবং এর আইনি ভিত্তি প্রদান করার কোনো সুনির্দিষ্ট রোডম্যাপ দেখা যাচ্ছে না। ■ একইভাবে এই অন্তর্বর্তীকালীন সরকার ও তার কার্যক্রম তথা বৈধতার ভার পরের সংসদের কাছে ন্যস্ত করার এই বিবৃতি আমরা প্রত্যাখ্যান করি।
অঙ্গীকারনামা (২)	■ কোন পদ্ধতিতে এই সনদের বিধান, নীতি ও সিদ্ধান্ত সংবিধানে অন্তর্ভুক্ত করা হবে তা উল্লেখ করা হয়নি বিধায় এই ধারার সঙ্গে একমত নই। গণপরিষদ নির্বাচনের মাধ্যমে এই সনদের সকল বিধান, নীতি ও সিদ্ধান্ত সংবিধানে অন্তর্ভুক্ত করতে হবে।
	■ কোন কোন প্রস্তাব/সুপারিশ অবিলম্বে বাস্তবায়নযোগ্য বলে বিবেচিত হবে সেটা সুস্পষ্ট নয়। আমরা এর বিরোধিতা করছি। এনসিপি-র পক্ষ থেকে আমরা 'জুলাই সনদ ২০২৫'-এর সম্পূর্ণটাই কোনো প্রকার কালক্ষেপণ না করেই পরবর্তী জাতীয় সংসদ নির্বাচনের আগে সরকার ও অন্যান্য সংশ্লিষ্ট কর্তৃপক্ষসমূহ সম্পূর্ণরূপে বাস্তবায়ন করবে।

৪। ইসলামী আন্দোলন বাংলাদেশ

খসড়া সনদের ভাষ্য	অভিमत
অঙ্গীকারনামা (১)	■ 'নতুন রাজনৈতিক বন্দোবস্তের দলিল'-এর পরিবর্তে 'রাজনৈতিক ব্যবস্থা' লেখা যেতে পারে।
অঙ্গীকারনামা (৮)	■ '----- অবিলম্বে বাস্তবায়নযোগ্য'-এর পরিবর্তে 'বর্তমান অন্তর্বর্তীকালীন সরকার এই সনদের সকল বিধান, নীতি, সুপারিশ ও সিদ্ধান্তসমূহ অবিলম্বে কার্যকর করবে' প্রতিস্থাপন করা যেতে পারে।
	■ 'রাষ্ট্রপতির ঘোষণাপত্র জারি বা গণভোটের মাধ্যমে জুলাই সনদ ২০২৫-কে আইনি ভিত্তি দেওয়া হবে তা স্পষ্টভাবে উল্লেখ করা। জুলাই জাতীয় সনদ ২০২৫-এর আইনি ভিত্তি দেওয়ার পর এর ভিত্তিতে 'পিআর' পদ্ধতিতে আসন্ন জাতীয় সংসদ (উচ্চকক্ষ ও নিম্নকক্ষ) নির্বাচনের ব্যবস্থা করা।

৫। নাগরিক ঐক্য

খসড়া সনদের ভাষ্য	অভিमत
অঙ্গীকারনামা (২)	■ জুলাই জাতীয় সনদ ২০২৫-এ একমতের ভিত্তিতে গৃহীত সকল বিধান, নীতি ও সিদ্ধান্ত সংবিধানে অন্তর্ভুক্তকরণ নিশ্চিত করার অঙ্গীকারের সাথে একমত। তবে 'বিদ্যমান সংবিধান বা অন্য কোনো আইনে ভিন্নতর কিছু থাকলে সেই ক্ষেত্রে এই সনদের বিধান/প্রস্তাব/সুপারিশ প্রাধান্য পাবে'-কথাটির সঙ্গে একমত নয়। কারণ কোনো সনদ রাষ্ট্রের সংবিধানের ওপর স্থান পেতে পারে না।
অঙ্গীকারনামা (৪)	■ 'জুলাই জাতীয় সনদের -----বৈধতা, প্রয়োজনীয়তা, কিংবা জারির কর্তৃত্ব সম্পর্কে কোনো আদালতে প্রশ্ন তোলা যাবে না'-এই বক্তব্যের সঙ্গে একমত নয়। এই সনদের দায়মুক্তি সামগ্রিকভাবে জুলাই সনদকে প্রশ্নবিদ্ধ করবে।
অঙ্গীকারনামা (৮)	■ জুলাই জাতীয় সনদ ২০২৫-এর একমতের ভিত্তিতে গৃহীত যে সকল প্রস্তাব/সুপারিশ অবিলম্বে বাস্তবায়নযোগ্য বলে বিবেচিত হবে সেগুলো কোনও প্রকার কালক্ষেপণ না করেই দ্রুততম সময়ে অধ্যাদেশের মাধ্যমে বর্তমান অন্তর্বর্তীকালীন সরকার ও অন্যান্য সংশ্লিষ্ট কর্তৃপক্ষ সম্পূর্ণরূপে বাস্তবায়ন করবে।

৬। গণফোরাম

খসড়া সনদের ভাষ্য	অভিमत
অঙ্গীকারনামা (২)	■ 'বিদ্যমান সংবিধান বা অন্য কোনো আইনে ভিন্নতর কিছু থাকলে সেই ক্ষেত্রে এই সনদের বিধান/প্রস্তাব/সুপারিশ প্রাধান্য পাবে'-এই বক্তব্যের সঙ্গে ভিন্নমত ও আপত্তি রয়েছে। কারণ সনদকে রাষ্ট্রের সংবিধানের ওপর স্থান দেওয়া হলে জুলাই সনদ বিতর্ক ও প্রশ্নবিদ্ধ হবে।
অঙ্গীকারনামা (৩)	■ এই সনদের বিধান, প্রস্তাব বা সুপারিশের ব্যাখ্যা সংক্রান্ত যে কোনো চূড়ান্ত মীমাংসার এখতিয়ার সুপ্রিম কোর্টে আপিল বিভাগের ওপর ন্যস্ত করা যথাযথ হবে না।

অঙ্গীকারনামা (৪)	■ ‘জুলাই জাতীয় সনদের -----বৈধতা, প্রয়োজনীয়তা, কিংবা জারির কর্তৃত্ব সম্পর্কে কোনো আদালতে প্রশ্ন তোলা যাবে না’-এই বক্তব্যের সঙ্গে ভিন্নমত ও আপত্তি রয়েছে।
অঙ্গীকারনামা (৮)	■ জুলাই জাতীয় সনদ ২০২৫-এর ঐকমত্যের ভিত্তিতে গৃহীত যে সকল প্রস্তাব/সুপারিশ অবিলম্বে বাস্তবায়নযোগ্য বলে বিবেচিত হবে সেগুলো কোনো প্রকার কালক্ষেপণ না করেই দ্রুততম সময়ে অধ্যাদেশের মাধ্যমে বর্তমান অন্তর্বর্তীকালীন সরকার ও অন্যান্য সংশ্লিষ্ট কর্তৃপক্ষ সম্পূর্ণরূপে বাস্তবায়ন করবে। কিন্তু যে সকল বিষয় সংবিধান সংশ্লিষ্ট সেগুলো পরবর্তী জাতীয় সংসদ নির্বাচনের ওপর অর্পণ করা যায়।

৭। বাংলাদেশের কমিউনিস্ট পার্টি-সিপিবি

খসড়া সনদের ভাষ্য	অভিমত
অঙ্গীকারনামা (২)	■ ‘বিদ্যমান সংবিধান বা অন্য কোনো আইনে ভিন্নতর কিছু থাকলে সেই ক্ষেত্রে এই সনদের বিধান/প্রস্তাব/সুপারিশ প্রাধান্য পাবে’-সংবিধানের ঊর্ধ্বে এভাবে বিবেচনার কোনো সুযোগ থাকাটা গ্রহণযোগ্য নয়।
অঙ্গীকারনামা (৪)	■ ‘জুলাই জাতীয় সনদের -----বৈধতা, প্রয়োজনীয়তা, কিংবা জারির কর্তৃত্ব সম্পর্কে কোনো আদালতে প্রশ্ন তোলা যাবে না’-এটি একটি ভয়ঙ্কর বিষয়। এই বক্তব্য সনদকেই অপ্রাসঙ্গিক করে তুলবে।
অঙ্গীকারনামা (৫)	■ সংবিধান সংশোধনের সঙ্গে পুনর্লিখনের কথা বলা হয়েছে-এর সঙ্গে একমত নই।
অঙ্গীকারনামা (৮)	■ জুলাই জাতীয় সনদ ২০২৫-এর ঐকমত্যের ভিত্তিতে গৃহীত যে সকল প্রস্তাব/সুপারিশ অবিলম্বে বাস্তবায়নযোগ্য বলে বিবেচিত হবে সেগুলো কোনও প্রকার কালক্ষেপণ না করেই বর্তমান সরকারের আমলেই এসব কাজ সম্পন্ন করতে চান। এটা গ্রহণযোগ্য নয়।

৮। লিবারেল ডেমোক্রাটিক পার্টি-এলডিপি

খসড়া সনদের ভাষ্য	অভিমত
অঙ্গীকারনামা (২)	■ ‘বিদ্যমান সংবিধান বা অন্য কোনো আইনে ভিন্নতর কিছু থাকলে সেই ক্ষেত্রে এই সনদের বিধান/প্রস্তাব/সুপারিশ প্রাধান্য পাবে’-সংবিধানের ঊর্ধ্বে এভাবে বিবেচনার কোনো সুযোগ থাকাটা গ্রহণযোগ্য নয়।
অঙ্গীকারনামা (৩)	■ এই সনদের বিধান, প্রস্তাব বা সুপারিশের ব্যাখ্যা সংক্রান্ত যে কোনো চূড়ান্ত মীমাংসার এখতিয়ার সুপ্রিম কোর্টের আপিল বিভাগের উপর ন্যস্ত করা যথাযথ হবে না।
অঙ্গীকারনামা (৪)	■ ‘জুলাই জাতীয় সনদের -----বৈধতা, প্রয়োজনীয়তা, কিংবা জারির কর্তৃত্ব সম্পর্কে কোনো আদালতে প্রশ্ন তোলা যাবে না’-এটি গ্রহণযোগ্য নয়।

৯। আমার বাংলাদেশ পার্টি-এবি পার্টি

খসড়া সনদের ভাষ্য	অভিমত
অঙ্গীকারনামা (৮)	■ উল্লেখিত প্রস্তাবের সঙ্গে দৃঢ়ভাবে একমত পোষণ করছি। তবে যে সকল প্রস্তাব/সুপারিশ অবিলম্বে বাস্তবায়নযোগ্য এবং যে সকল প্রস্তাব/সুপারিশ অবিলম্বে বাস্তবায়নযোগ্য নয়, তার একটি সুস্পষ্ট তালিকা প্রস্তুত করা প্রয়োজন।

১০। বাংলাদেশের বিপ্লবী ওয়ার্কার্স পার্টি

খসড়া সনদের ভাষ্য	অভিমত
অঙ্গীকারনামা (২)	■ ‘বিদ্যমান সংবিধান বা অন্য কোনো আইনে ভিন্নতর কিছু থাকলে সেই ক্ষেত্রে এই সনদের বিধান/প্রস্তাব/সুপারিশ প্রাধান্য পাবে’-এটা একেবারেই গ্রহণযোগ্য নয়।
অঙ্গীকারনামা (৩)	■ এই সনদের বিধান, প্রস্তাব বা সুপারিশের ব্যাখ্যা সংক্রান্ত যে কোনো চূড়ান্ত মীমাংসার এখতিয়ার সুপ্রিম কোর্টের আপিল বিভাগের ওপর ন্যস্ত করার প্রস্তাব বিবেচনাপ্রসূত ও গ্রহণযোগ্য নয়।
অঙ্গীকারনামা (৪)	■ ‘জুলাই জাতীয় সনদের -----বৈধতা, প্রয়োজনীয়তা, কিংবা জারির কর্তৃত্ব সম্পর্কে কোনো আদালতে প্রশ্ন তোলা যাবে না’-এটি গ্রহণযোগ্য ও যুক্তিযুক্ত নয়।
অঙ্গীকারনামা (৬ ও ৭)	■ অপ্রয়োজনীয়।

অঙ্গীকারনামা (৮)	এরূপ লেখা যেতে পারে- ‘সাংবিধানিক সংস্কারের বাইরে জুলাই জাতীয় সনদের যে সকল প্রস্তাব/সুপারিশ অবিলম্বে বাস্তবায়নযোগ্য বলে বিবেচিত হবে, সনদ স্বাক্ষরের পরবর্তী ৪৫ দিনের মধ্যে বর্তমান অন্তর্বর্তীকালীন সরকার ও অন্যান্য সংশ্লিষ্ট কর্তৃপক্ষ সম্পূর্ণরূপে বাস্তবায়ন করবে।’
------------------	--

১১। গণসংহতি আন্দোলন

খসড়া সনদের ভাষ্য	অভিमत
অঙ্গীকারনামা (২)	‘--- জনগণের অভিপ্রায়ের সুস্পষ্ট ও সর্বোচ্চ অভিব্যক্তি’-এর ‘সর্বোচ্চ’ শব্দটি বাদ দিতে হবে। ‘বিদ্যমান সংবিধান বা অন্য কোনো আইনে ভিন্নতর কিছু থাকলে সেই ক্ষেত্রে এই সনদের বিধান/প্রস্তাব/সুপারিশ প্রাধান্য পাবে’-কথাটি বাদ দিতে হবে।
অঙ্গীকারনামা (৩)	এই সনদের বিধান, প্রস্তাব বা সুপারিশের ব্যাখ্যা সংক্রান্ত যে কোনো চূড়ান্ত মীমাংসার এখতিয়ার সুপ্রিম কোর্টের আপিল বিভাগের ওপর ন্যস্ত করার প্রস্তাব বিবেচনাপ্রসূত ও গ্রহণযোগ্য নয়।
অঙ্গীকারনামা (৪)	‘জুলাই জাতীয় সনদের প্রতিটি বিধান, প্রস্তাব ও সুপারিশ সাংবিধানিক ও আইনগতভাবে বলবৎ হিসেবে গণ্য হবে।’ এর পরের অংশ ‘বিধায়-এর বৈধতা, প্রয়োজনীয়তা, কিংবা জারির কর্তৃত্ব সম্পর্কে কোনো আদালতে প্রশ্ন তোলা যাবে না’-বাদ দিতে হবে।
	আগামী নির্বাচনকে সংবিধান সংস্কার পরিষদেও নির্বাচন হিসেবে অনুষ্ঠানের মাধ্যমে একে টেকসই করা যেতে পারে।

১২। জাতীয়তাবাদী গণতান্ত্রিক আন্দোলন (এনডিএম)

খসড়া সনদের ভাষ্য	অভিमत
অঙ্গীকারনামা ১ম অনুচ্ছেদ	বাংলাদেশের সংবিধান প্রণয়নের সময় কোনো কনভেনশন ছিল না। ১৯৭১ সালের প্রেক্ষাপটের বর্ণনা এবং তুলনা জুলাই জাতীয় সনদে উল্লেখ থাকা অপ্রয়োজনীয়।
অঙ্গীকারনামা (২)	‘--- জনগণের অভিপ্রায়ের সুস্পষ্ট ও সর্বোচ্চ অভিব্যক্তি’-এর ‘সর্বোচ্চ’ শব্দটি বাদ দিতে হবে। ‘বিদ্যমান সংবিধান বা অন্য কোনো আইনে ভিন্নতর কিছু থাকলে সেই ক্ষেত্রে এই সনদের বিধান/প্রস্তাব/সুপারিশ প্রাধান্য পাবে’-কথাটি বাদ দিতে হবে।
অঙ্গীকারনামা (৩)	এই সনদের বিধান, প্রস্তাব বা সুপারিশের ব্যাখ্যা সংক্রান্ত যে কোনো চূড়ান্ত মীমাংসার এখতিয়ার সুপ্রিম কোর্টের আপিল বিভাগের ওপর ন্যস্ত করার প্রস্তাব বিবেচনাপ্রসূত ও গ্রহণযোগ্য নয়। এটি বাদ দিতে হবে।
অঙ্গীকারনামা (৪)	‘জুলাই জাতীয় সনদের প্রতিটি বিধান, প্রস্তাব ও সুপারিশ সাংবিধানিক ও আইনগতভাবে বলবৎ হিসেবে গণ্য হবে বিধায় এর বৈধতা, প্রয়োজনীয়তা, কিংবা জারির কর্তৃত্ব সম্পর্কে কোনো আদালতে প্রশ্ন তোলা যাবে না’-বাদ দিতে হবে।
	জুলাই জাতীয় সনদ ২০২৫-এর ঐকমত্যের ভিত্তিতে গৃহীত যে সকল প্রস্তাব/সুপারিশ অবিলম্বে বাস্তবায়নযোগ্য বলে বিবেচিত হবে সেগুলো কোনও প্রকার কালক্ষেপণ না করেই বর্তমান সরকারের আমলেই এসব কাজ সম্পন্ন করতে হবে।

১৩। জাতীয় সমাজতান্ত্রিক দল-জাসদ

খসড়া সনদের ভাষ্য	অভিमत
রাষ্ট্র পরিচালনার মূলনীতি	সাম্য, মানবিক মর্যাদা, সামাজিক সুবিচার, ধর্মীয় স্বাধীনতা ও সম্প্রীতি-এর সঙ্গে ‘গণতন্ত্র’ যোগ করতে হবে।
অঙ্গীকারনামা (৪)	‘জুলাই জাতীয় সনদের প্রতিটি বিধান, প্রস্তাব ও সুপারিশ সাংবিধানিক ও আইনগতভাবে বলবৎ হিসেবে গণ্য হবে বিধায় এর বৈধতা, প্রয়োজনীয়তা, কিংবা জারির কর্তৃত্ব সম্পর্কে কোনো আদালতে প্রশ্ন তোলা যাবে না’-বাদ দিতে হবে।
	‘জুলাই জাতীয় সনদ ২০২৫’ নামে সংবিধানে একটি পৃথক অধ্যায় সংযোজন করতে হবে।
	‘জুলাই জাতীয় সনদ বাস্তবায়নের জন্য একটি আইনগত বাস্তবায়ন কাঠামো’ (Legal Implementation Framework) গঠন করতে হবে।

১৪। বাংলাদেশের সমাজতান্ত্রিক দল-বাসদ

খসড়া সনদের ভাষ্য	অভিমত
অঙ্গীকারনামা (১)	■ ‘গণতন্ত্র’ পরিবর্তে ‘প্রতিষ্ঠা’ লিখতে হবে। মূতের সঠিক পরিসংখ্যান দিতে হবে।
অঙ্গীকারনামা (২)	■ ‘বিদ্যমান সংবিধান বা অন্য কোনো আইনে ভিন্নতর কিছু থাকলে সেই ক্ষেত্রে এই সনদের বিধান/প্রস্তাব/সুপারিশ প্রাধান্য পাবে’-কথাটি বাদ দিতে হবে।
অঙ্গীকারনামা (৩)	■ এই সনদের বিধান, প্রস্তাব বা সুপারিশের ব্যাখ্যা সংক্রান্ত যে কোনো চূড়ান্ত মীমাংসার এখতিয়ার সুপ্রিম কোর্টের আপিল বিভাগের ওপর ন্যস্ত করার প্রস্তাব বিবেচনাপ্রসূত ও গ্রহণযোগ্য নয়।
অঙ্গীকারনামা (৪)	■ ‘জুলাই জাতীয় সনদের প্রতিটি বিধান, প্রস্তাব ও সুপারিশ সাংবিধানিক ও আইনগতভাবে বলবৎ হিসেবে গণ্য হবে বিধায় এর বৈধতা, প্রয়োজনীয়তা, কিংবা জারির কর্তৃত্ব সম্পর্কে কোনো আদালতে প্রশ্ন তোলা যাবে না’-এটা গ্রহণযোগ্য নয়।
অঙ্গীকারনামা (৫)	■ ‘সংযোজন, পরিমার্জন, লিখন, পুনর্লিখন’ শব্দগুলো বাদ দিতে হবে।
অঙ্গীকারনামা (৬)	■ জুলাই জাতীয় সনদ ২০২৫-এর ঐকমত্যের ভিত্তিতে গৃহীত যে সকল প্রস্তাব/সুপারিশ অবিলম্বে বাস্তবায়নযোগ্য বলে বিবেচিত হবে সেগুলো কোনো প্রকার কালক্ষেপণ না করেই বর্তমান সরকারের আমলেই এসব কাজ সম্পন্ন করতে হবে।

১৫। বাংলাদেশের সমাজতান্ত্রিক দল (মার্কসবাদী)

খসড়া সনদের ভাষ্য	অভিমত
অঙ্গীকারনামা (১)	■ কেউই সব বিষয়ে একমত নয়।
অঙ্গীকারনামা (৩)	■ এই সনদের বিধান, প্রস্তাব বা সুপারিশের ব্যাখ্যা সংক্রান্ত যে কোনো চূড়ান্ত মীমাংসার এখতিয়ার সুপ্রিম কোর্টের আপিল বিভাগের ওপর ন্যস্ত করার প্রস্তাব গ্রহণযোগ্য নয়।
অঙ্গীকারনামা (৪)	■ ‘জুলাই জাতীয় সনদের প্রতিটি বিধান, প্রস্তাব ও সুপারিশ সাংবিধানিক ও আইনগতভাবে বলবৎ হিসেবে গণ্য হবে বিধায় এর বৈধতা, প্রয়োজনীয়তা, কিংবা জারির কর্তৃত্ব সম্পর্কে কোনো আদালতে প্রশ্ন তোলা যাবে না’-এটা গ্রহণযোগ্য নয়।

১৬। বাংলাদেশ জাতীয় সমাজতান্ত্রিক দল-বাংলাদেশ জাসদ

খসড়া সনদের ভাষ্য	অভিমত
অঙ্গীকারনামা (১)	শেষ বাক্যে ‘----পরিপূর্ণ বাস্তবায়ন নিশ্চিত করতে নৈতিকভাবে বাধ্য থাকবো’ লিখতে হবে।
অঙ্গীকারনামা (২)	আপত্তি আছে।
অঙ্গীকারনামা (৪)	সংস্কার প্রস্তাবসমূহ সম্পর্কে যে কোনো নাগরিকের আদালতের শরণাপন্ন হওয়ার অধিকার থেকে বঞ্চিত করা যাবে না।

১৭। জাতীয় গণফ্রন্ট

খসড়া সনদের ভাষ্য	অভিমত
অঙ্গীকারনামা (৪)	‘জুলাই জাতীয় সনদের প্রতিটি বিধান, প্রস্তাব ও সুপারিশ সাংবিধানিক ও আইনগতভাবে বলবৎ হিসেবে গণ্য হবে বিধায় এর বৈধতা, প্রয়োজনীয়তা, কিংবা জারির কর্তৃত্ব সম্পর্কে কোনো আদালতে প্রশ্ন তোলা যাবে এবং এ বিষয়ে গণ-আন্দোলন ও গণ-অভ্যুত্থান সংগঠিত করা যাবে মর্মে লিখতে হবে।
অঙ্গীকারনামা (৬)	শেষ বাক্য হবে ‘অবশিষ্ট অংশ নির্বাচিত সরকার কাল বিলম্ব না করে সংসদের প্রথম অধিবেশনে বাস্তবায়ন করতে বাধ্য থাকবে’।

১৮। জাতীয়তাবাদী সমমনা জোট

খসড়া সনদের ভাষ্য	অভিমত
অঙ্গীকারনামা (২)	বাংলাদেশ সংবিধানের অনুচ্ছেদ ৭-এর পরিপন্থী। সংবিধানের উপরে কোনো কিছুকে প্রাধান্য দেওয়া যায় না।
অঙ্গীকারনামা (৩)	প্রস্তাবিত পন্থাটি সাংবিধানিক নয়।
অঙ্গীকারনামা (৪)	কোন কোন বিষয় আদালতে প্রশ্ন তোলা যাবে তা সংবিধানে বলা আছে। কোনো প্রশ্ন আদালতে উত্থাপন বন্ধ হলে নাগরিক অধিকার ক্ষুণ্ণ হবে।

১৯। ১২ দলীয় জোট

খসড়া সনদের ভাষ্য	অভিमत
অঙ্গীকারনামা (২)	জুলাই সনদ সংবিধানের উপরে থাকতে পারে না।
অঙ্গীকারনামা (৪)	কোন কোন বিষয়ে আদালতে প্রশ্ন তোলা যাবে তা সংবিধানে বলা আছে। কোনো প্রশ্ন আদালতে উত্থাপন বন্ধ হলে নাগরিক অধিকার ক্ষুণ্ণ হবে।

২০। বাংলাদেশ লেবার পার্টি

খসড়া সনদের ভাষ্য	অভিमत
অঙ্গীকারনামা (২)	জুলাই সনদ সংবিধানের উপরে থাকতে পারে না।
অঙ্গীকারনামা (৪)	কোন কোন বিষয় আদালতে প্রশ্ন তোলা যাবে তা সংবিধানে বলা আছে। কোনো প্রশ্ন আদালতে উত্থাপন বন্ধ হলে নাগরিক অধিকার ক্ষুণ্ণ হবে।

২১। ভাসানী জনশক্তি পার্টি

খসড়া সনদের ভাষ্য	অভিमत
অঙ্গীকারনামা (২)	‘বিদ্যমান সংবিধান বা অন্য কোনো আইনে ভিন্নতর কিছু থাকলে সেই ক্ষেত্রে এই সনদের বিধান/প্রস্তাব/সুপারিশ প্রাধান্য পাবে’-কথাটির সঙ্গে একমত নই।
অঙ্গীকারনামা (৪)	‘জুলাই জাতীয় সনদের প্রতিটি বিধান, প্রস্তাব ও সুপারিশ সাংবিধানিক ও আইনগতভাবে বলবৎ হিসেবে গণ্য হবে বিধায় এর বৈধতা, প্রয়োজনীয়তা, কিংবা জারির কর্তৃত্ব সম্পর্কে কোনো আদালতে প্রশ্ন তোলা যাবে না’-বাদ দিতে হবে। কারণ আমরা মনি করি, রাষ্ট্রের কোনো সিদ্ধান্ত, বিধান আইনের ঊর্ধ্বে থাকতে পারে না। তাই এই সনদের দায়মুক্তি জুলাই সনদকে প্রশ্নবিদ্ধ করবে।
অঙ্গীকারনামা (৮)	জুলাই জাতীয় সনদ ২০২৫-এর ঐকমত্যের ভিত্তিতে গৃহীত যে সকল প্রস্তাব/সুপারিশ অবিলম্বে বাস্তবায়নযোগ্য বলে বিবেচিত হবে সেগুলো কোনো প্রকার কালক্ষেপণ না করেই বর্তমান সরকারের আমলেই এসব কাজ সম্পন্ন করতে হবে।

২২। জাকের পার্টি

জুলাই সনদ সংবিধানের উপরে থাকতে পারে না।

২৩। আমজনতার দল

‘জুলাই জাতীয় সনদের প্রতিটি বিধান, প্রস্তাব ও সুপারিশ সাংবিধানিক ও আইনগতভাবে বলবৎ হিসেবে গণ্য হবে বিধায় এর বৈধতা, প্রয়োজনীয়তা, কিংবা জারির কর্তৃত্ব সম্পর্কে কোনো আদালতে প্রশ্ন তোলা যাবে না’-বাদ দিতে হবে। এ অংশটি অনুচ্ছেদ ৩-এর সাথে সাংঘর্ষিক।

২৪। বাংলাদেশ খেলাফত মজলিস

অঙ্গীকারনামা সম্পর্কে কোনো মতামত নেই।

২৫। বাংলাদেশ নেজামে ইসলাম পার্টি

(ক) জুলাই সনদ ২০২৫-কে শক্তিশালী আইনি ভিত্তি প্রদানপূর্বক কার্যকর বলে গণ্য করতে হবে।

(খ) পরবর্তী কোনো সরকার বা জাতীয় সংসদ জাতীয় ঐক্যের ভিত্তিতে রচিত জুলাই সনদ ২০২৫-কে চ্যালেঞ্জ বা পরিবর্তন করতে পারবে না মর্মে ঘোষণা দিতে হবে।

২৬। খেলাফত মজলিস

জুলাই জাতীয় সনদ ২০২৫-এর সকল প্রস্তাব/সুপারিশ অবিলম্বে বাস্তবায়নযোগ্য বলে বিবেচিত হবে এবং কোনও প্রকার কালক্ষেপণ না করেই ত্রয়োদশ জাতীয় সংসদ নির্বাচনের আগে রাষ্ট্রপতির অধ্যাদেশের মাধ্যমে কার্যকর ও বাস্তবায়ন করা হবে।

২৭। জমিয়তে উলেমায় ইসলাম বাংলাদেশ

অঙ্গীকারনামা সম্পর্কে কোনো মতামত নেই।

২৮। গণঅধিকার পরিষদ (জিওপি)

জুলাই সনদ ২০২৫-এর বাস্তবায়ন প্রক্রিয়া নিয়ে আলোচনা করতে হবে।

২৯। রাষ্ট্র সংস্কার আন্দোলন

আগামী নির্বাচিত জাতীয় সংসদকে ৯০ দিনের জন্য ‘সংবিধান সংস্কার সভা’ হিসেবে ঘোষণা ক্ষমতাপ্রাপ্ত হবে।

জুলাই জাতীয় সনদ ২০২৫-এর অঙ্গীকারনামা সম্পর্কে বিভিন্ন রাজনৈতিক দলসমূহের মতামতের সারাংশ

অনুচ্ছেদ	খসড়া	দলের মতামত
অনুচ্ছেদ-১	যেহেতু বাংলাদেশের সাংবিধানিক কনভেনশনের অংশ হিসেবে ১৯৭১ সালের ২৬শে মার্চ থেকে ১৯৭২ সালের ৪ঠা নভেম্বর পর্যন্ত দেশে কার্যত কোনও সংবিধান না থাকা সত্ত্বেও উক্ত সময়ের সকল কার্যাবলি ১৯৭১ সালের মুক্তিযুদ্ধের মহান শহিদদের প্রতি শ্রদ্ধা জানিয়ে ১৯৭২ সালের সংবিধানে সন্নিবেশিত করে এর আইনি ও সাংবিধানিক বৈধতা প্রদান করা হয়;	বিএনপি ও এনডিএম মনে করে যে, বাংলাদেশে কখনো সাংবিধানিক কনভেনশনের ছিল না। ১৯৭১ সালের মুক্তিযুদ্ধের মহান শহিদদের প্রতি শ্রদ্ধা জানিয়ে ১৯৭২ সালের সংবিধানে সন্নিবেশিত করে এর আইনি ও সাংবিধানিক বৈধতা প্রদান করা হয়।
অনুচ্ছেদ-২	একইভাবে যেহেতু ১৯৯০ সালের ৬ই ডিসেম্বর গণ-অভ্যুত্থানোত্তর সময়ে প্রধান বিচারপতি পদত্যাগ করে উপরাষ্ট্রপতি হিসেবে শপথ গ্রহণ, অতঃপর অস্থায়ী রাষ্ট্রপতি পদের দায়িত্ব গ্রহণ এবং পরবর্তী সময়ে প্রধান বিচারপতি পদে ফিরে যাওয়া সংক্রান্ত কোনও আইনি কাঠামো না থাকা সত্ত্বেও রাজনৈতিক দল ও জোটসমূহের রূপরেখা ও অঙ্গীকারের ভিত্তিতে ওই ধরনের কার্যাবলিকে বৈধতা দিয়ে পরবর্তী সংসদ গণ-অভ্যুত্থানে প্রদত্ত জনগণের ইচ্ছার প্রতিফলন ঘটিয়ে সাংবিধানিক কনভেনশন এবং গণতন্ত্রকে সংহত করে;	বিএনপি মনে করে ১৯৯০ সালে প্রধান বিচারপতি পদত্যাগ করেননি। তখনকার উদাহরণ বর্তমান প্রেক্ষাপটে প্রযোজ্য নয়।
অনুচ্ছেদ-৩	সুতরাং উল্লেখিত গণতান্ত্রিক মূল্যবোধ, জনগণের ইচ্ছার প্রতি শ্রদ্ধাবোধ এবং সাংবিধানিক কনভেনশন বজায় রেখে ২০২৪ সালের জুলাই গণ-অভ্যুত্থানে জনগণের ইচ্ছাকে প্রাধান্য দিয়ে আমরা নিম্নস্বাক্ষরকারীগণ এই মর্মে অঙ্গীকার করছি যে-	বিএনপি মনে করে ‘সাংবিধানিক কনভেনশন বজায় রেখে’ এর পরিবর্তে ‘জাতীয় ঐকমত্যের ভিত্তিতে’ লেখা যেতে পারে।
অঙ্গীকার-১	জনগণের অধিকার ফিরে পাওয়া এবং গণতন্ত্র পুনঃপ্রতিষ্ঠার সুদীর্ঘ আন্দোলন-সংগ্রামের ধারাবাহিকতায় ২০২৪ সালের জুলাই-আগস্টের গণ-অভ্যুত্থানে হাজারো মানুষের জীবন ও রক্তদান এবং অগণিত মানুষের সীমাহীন ক্ষয়ক্ষতি ও ত্যাগ-তীতিক্ষার বিনিময়ে অর্জিত সুযোগ এবং তৎপ্রেক্ষিতে জন-আকাঙ্ক্ষা প্রতিফলন হিসেবে দীর্ঘ ধারাবাহিক প্রক্রিয়ার মধ্য দিয়ে প্রণীত ও ঐকমত্যের ভিত্তিতে গৃহীত নতুন ‘রাজনৈতিক বন্দোবস্ত’র দলিল হিসেবে ‘জুলাই জাতীয় সনদ ২০২৫’-এর পরিপূর্ণ বাস্তবায়ন নিশ্চিত করবো।	বিএনপি, জামায়াত, ইসলামী আন্দোলন মনে করে যে, ‘রাজনৈতিক বন্দোবস্ত’র দলিল-র পরিবর্তে ‘রাজনৈতিক সমঝোতার দলিল’ লেখা যেতে পারে।
অঙ্গীকার-২	এই রাষ্ট্রের মালিক জনগণ; তাদের অভিপ্রায়ই সর্বোচ্চ আইন এবং গণতান্ত্রিক ব্যবস্থায় জনগণের অভিপ্রায় প্রতিফলিত ও প্রতিষ্ঠিত হয় রাজনৈতিক দলের মাধ্যমে, এমতাবস্থায় আমরা রাজনৈতিক দল ও জোটসমূহ সম্মিলিতভাবে দীর্ঘ আলাপ-আলোচনার ভিত্তিতে জনগণের অভিপ্রায়ের সুস্পষ্ট ও সর্বোচ্চ অভিব্যক্তি হিসেবে জুলাই জাতীয় সনদ ২০২৫’ প্রণয়ন করেছি বিধায় এই সনদের সকল বিধান, নীতি ও সিদ্ধান্ত সংবিধানে অন্তর্ভুক্তকরণ নিশ্চিত করবো এবং বিদ্যমান সংবিধান বা অন্য কোনো আইনে ভিন্নতর কিছু থাকলে সেই ক্ষেত্রে এই সনদের বিধান/প্রস্তাব/সুপারিশ প্রাধান্য পাবে।	- বিএনপি, এনডিএম ও গণসংহতি আন্দোলন মনে করে যে, ‘সর্বোচ্চ অভিব্যক্তি’ থেকে ‘সর্বোচ্চ’ শব্দটি বাদ দিতে হবে। ‘জুলাই জাতীয় সনদ সংবিধানের ওপর প্রাধান্য পাবে’-এই বক্তব্যের সঙ্গে একমত নয় বিএনপি, নাগরিক ঐক্য, এনডিএম, গণফোরাম, সিপিবি, এলডিপি, বিপ্লবী ওয়ার্কার্স পার্টি, গণসংহতি আন্দোলন, বাসদ, ১২ দলীয় জোট, জেএসডি, জাতীয়তাবাদী সমমনা জোট, লেবার পার্টি, বাংলাদেশ জাসদ, ভাসানী জনশক্তি পার্টি ও জাকের পার্টি।
অঙ্গীকার-৩	এই সনদের কোনও বিধান, প্রস্তাব বা সুপারিশের ব্যাখ্যা সংক্রান্ত যে কোনো প্রশ্নের চূড়ান্ত মীমাংসার এখতিয়ার বাংলাদেশ সুপ্রিম কোর্টের আপিল বিভাগের ওপর ন্যস্ত থাকবে।	জাতীয় সনদের মাধ্যমে সুপ্রিম কোর্টের আপিল বিভাগের এখতিয়ার সংশোধনের কোনো সুযোগ নেই বলে মনে করে বিএনপি, নাগরিক ঐক্য, এনডিএম, গণফোরাম, এলডিপি, বিপ্লবী ওয়ার্কার্স পার্টি, গণসংহতি আন্দোলন, বাসদ, জাতীয়তাবাদী সমমনা জোট, বাসদ (মার্কসবাদী)।

অঙ্গীকার-৪	জুলাই জাতীয় সনদ ২০২৫'-এর প্রতিটি বিধান, প্রস্তাব ও সুপারিশ সাংবিধানিক ও আইনগতভাবে বলবৎ হিসেবে গণ্য হবে বিধায় এর বৈধতা, প্রয়োজনীয়তা, কিংবা জারির কর্তৃত্ব সম্পর্কে কোনো আদালতে প্রশ্ন তোলা যাবে না।	এর সঙ্গে একমত নয় বিএনপি, নাগরিক ঐক্য, এনডিএম, গণফোরাম, সিপিবি, এলডিপি, বিপ্লবী ওয়ার্কার্স পার্টি, গণসংহতি আন্দোলন, বাসদ, ১২ দলীয় জোট, জেএসডি, জাতীয়তাবাদী সমমনা জোট, লেবার পার্টি, ভাসানী জনশক্তি পার্টি ও বাসদ (মার্কসবাদী)।
অঙ্গীকার-৫	‘জুলাই জাতীয় সনদ ২০২৫’-এ বাংলাদেশের সামগ্রিক রাষ্ট্রব্যবস্থা তথা সংবিধান, বিচার ব্যবস্থা, নির্বাচন ব্যবস্থা, জনপ্রশাসন, পুলিশি ব্যবস্থা ও দুর্নীতি দমন ব্যবস্থার বিষয়ে যেসব প্রস্তাব/সুপারিশ লিপিবদ্ধ রয়েছে সেগুলো বাস্তবায়নের জন্য সংবিধানের প্রয়োজনীয় সংশোধন, সংযোজন, পরিমার্জন, লিখন ও পুনর্লিখন এবং বিদ্যমান আইনের প্রয়োজনীয় সংশোধন, পরিবর্তন, পরিমার্জন, লিখন, পুনর্লিখন বা নতুন আইন প্রণয়ন, প্রয়োজনীয় বিধি প্রণয়ন বা বিদ্যমান বিধি ও প্রবিধির পরিবর্তন বা সংশোধন করবো।	- এ অনুচ্ছেদের দুই স্থানে লিখিত লিখন, পুনর্লিখন শব্দদ্বয় বাদ দেয়ার প্রস্তাব দিয়েছে বিএনপি, সিপিবি ও জেএসডি। - বাসদ সংযোজন, পরিমার্জন, লিখন, পুনর্লিখনবাদ দিতে বলেছে।
অঙ্গীকার-৬	আমরা একমত্রে স্থির হয়েছি যে, গণতন্ত্র, মানবাধিকার ও আইনের শাসন প্রতিষ্ঠার জন্য জনগণের নিরবচ্ছিন্ন সংগ্রাম এবং বিশেষত ২০২৪ সালের অভূতপূর্ব গণ-অভ্যুত্থানের ঐতিহাসিক তাৎপর্যকে সাংবিধানিক তথা রাষ্ট্রীয় স্বীকৃতি দেওয়া হবে।	- বিএনপি দ্বিতীয় লাইনে ‘জনগণের’ শব্দটির পড়ে ‘দীর্ঘ ১৬ বছরের’ শব্দ যোগ করতে বলেছে। - বিপ্লবী ওয়ার্কার্স পার্টি বলেছে এ অনুচ্ছেদের প্রয়োজন নেই।
অঙ্গীকার-৭	আমরা সম্মিলিতভাবে ঘোষণা করছি যে, রাষ্ট্র ২০২৪ সালের জুলাই-আগস্টের গণঅভ্যুত্থানকালে সংঘটিত সকল হত্যাকাণ্ডের বিচার, শহিদদের রাষ্ট্রীয় মর্যাদা প্রদান ও শহিদ পরিবারসমূহকে যথোপযুক্ত সহায়তা প্রদান এবং আহতদের সুচিকিৎসা ও পুনর্বাসনে ব্যবস্থা নিশ্চিত করবে।	বিএনপি ‘আমরা সম্মিলিতভাবে ঘোষণা করছি যে’, এরপরে রাষ্ট্র ‘দীর্ঘ ১৬ বছরের ফ্যাসিবাদবিরোধী গণতান্ত্রিক সংগ্রামে গুম, খুন ও নির্যাতনের শিকার হওয়া ব্যক্তিদের’ সংযুক্ত করতে বলেছে।
অঙ্গীকার-৮	আমরা এই মর্মে একমত যে, জুলাই জাতীয় সনদ ২০২৫-এর যে সকল প্রস্তাব/সুপারিশ অবিলম্বে বাস্তবায়নযোগ্য বলে বিবেচিত হবে সেগুলো কোনও প্রকার কালক্ষেপণ না করেই পরবর্তী জাতীয় সংসদ নির্বাচনের আগে সরকার ও অন্যান্য সংশ্লিষ্ট কর্তৃপক্ষসমূহ সম্পূর্ণরূপে বাস্তবায়ন করবে।	- বিএনপি ‘পরবর্তী জাতীয় সংসদ নির্বাচনের আগে’ বাদ দিতে বলেছে। - জামায়াত ও ইসলামী আন্দোলন, খেলাফত মজলিস, নাগরিক ঐক্য, বিপ্লবী ওয়ার্কার্স পার্টি, বাসদ, ভাসানী জনশক্তি পার্টি ----- অবিলম্বে বাস্তবায়নযোগ্য’-এর পরিবর্তে ‘বর্তমান অন্তর্বর্তীকালীন সরকার এই সনদের সকল বিধান, নীতি, সুপারিশ ও সিদ্ধান্তসমূহ অবিলম্বে কার্যকর করবে’ প্রতিস্থাপন করা যেতে পারে।